

Начало изобразительных глаголи сице:

Старший: Молитвами святых отец наших, Господи, Иисусе Христе, Сыне Божий, помилуй нас.¹

Чтец: Аминь.

Царю Небесный, Утешителю, Душе Истины, Иже везде Сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, Души наша.

Святой Боже, Святой Крепкий, Святой Бессмертный, помилуй нас.
Трижды.

Слава Отцу и Сыну и Святому Духу, и ныне и присно и во веки веков, аминь.

Пресвятая Троице, помилуй нас, Господи, очисти грехи наша, Владыко, прости беззакония наша, Святой, посети и исцели немощи наша имене Твоего ради.

Господи, помилуй. *Трижды.*

Слава Отцу, и Сыну, и Святому Духу, и ныне и присно, и во веки веков, аминь.

Отче наш, Иже еси на небесех. Да святится Имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим. И не введи нас во искушение, но избави нас от лукаваго.

Старший: Господи, Иисусе Христе, Сыне Божий, помилуй нас.

Чтец: Аминь.

Господи, помилуй, *12 раз.*

Слава Отцу, и Сыну, и Святому Духу, и ныне и присно, и во веки веков, аминь.

Приидите, поклонимся Цареву нашему Богу.

Приидите, поклонимся и припадем Христу, Цареву нашему Богу.

Приидите, поклонимся и припадем Самому Христу, Цареву и Богу нашему.

Благослови, душе моя, Господа: благословен еси, Господи.

Псалом 102. **Благослови душе моя Господа, и вся внутренняя моя имя святое Его. Благослови душе моя Господа, и не забывай всех воздаяний Его; Очищающего вся беззакония твоя, исцеляющего вся недуги твоя; Избавляющего от истления живот твой, венчающего тя милостию и щедротами; Исполняющего во благих желание твое: обновится яко орля юность твоя. Творяй милостыни Господь, и судьбу всем обидимым. Слова пути Своя Моисеови, сыновом Израилевым хотения Своя; Щедр и милостив Господь, долготерпелив и многомилостив. Не до конца прогневается, ниже во век враждует; Не по беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боявшихся Его. Елико отстоят востоцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет; Яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящий слово Его, услышати глас словес Его. Благословите Господа вся силы Его, слуги Его, творящий волю Его. Благословите Господа вся дела Его, на всяком месте владычества Его.**

Слава Отцу, и Сыну, и Святому Духу, и ныне и присно, и во веки веков, аминь.

Благослови, душе моя, Господа, и вся внутренняя моя имя святое Его. Благословен еси, Господи.

Слава Отцу и Сыну и Святому Духу.

Псалом 145: **Хвали, душе моя, Господа. Восхваляю Господа в животе моем, пою Богу моему, дондеже есмь. Не надейтесь на князи, на сыны человеческия, в нихже несть спасения. Изыдет дух его и возвратится в землю свою: в той день погибнут вся помышления его. Блажен, ему же Бог Иаковль помощник его, упование его на Господа Бога своего; Сотворшаго небо и землю, море и вся, яже в них; Хранящаго истину в век, творящаго суд обидимым, дающаго пищу алчущим. Господь решит окованныя. Господь умудряет слепцы. Господь возводит низверженныя, Господь любит праведники. Господь хранит пришельцы, сира и вдову примет и путь грешных погубит. Воцарится Господь во век, Бог твой, Сионе, в род и род.**

И ныне и присно и во веки веков. **А**минь.

Единородный Сыне, и Слове Божий, безсмертен Сый. И изволивый спасения нашего ради воплотится от Святыя Богородицы и Приснодевы Марии, непреложно Вочеловечивыйся. Распныйся же, Христе Боже, смертью смертью поправый. Един Сый Святыя Троицы, прославляемый Отцу и Святому Духу, спаси нас.

Во Царствии Твоем, помяни нас, Господи, егда приидеши во Царствии Твоем.

Блажени нищии духом, яко тех есть Царство Небесное.

Блажени плачущии, яко тии утешатся.

Блажени кротцыи, яко тии наследят землю.

Глас Ти приносим разбойничь, и молимся: помяни нас, Спасе, во Царствии Твоем.

Блажени алчущии и жаждущии правды, яко тии насытятся.

Крест Тебе приносим в прощение прегрешений: егоже нас ради приял еси, Человеколюбче.

Блажени милостивии, яко тии помиловани будут.

Поклоняемся Твоему, Владыко, погребению и востанию: иже от тления избавил еси мир, Человеколюбче.

Блажени чистии сердцем, яко тии Бога узрят.

Смертию Твоею, Господи, пожерта бысть смерть: и Воскресением Твоим, Спасе, мир спасл еси.

Блажени миротворцы, яко тии сынове Божии нарекутся.

Мирносицы сретил еси, воскрес от гроба, и учеником возвестил еси, рещи Твое востание.

Блажени изгнани правды ради, яко тех есть Царство Небесное.

Иже во тьме спящий Ты, свет, видевше, в преисподнейших адовых, Христе, воскресоша.

Блажени есте, егда поносят вам, и изженут, и рекут всяк зол глагол на вы, лжуще Мене ради.

С высоты Афонския Горы повсюду блистает/ богатство милосердия Твоего, Владычице Богородице,/ от святых иконы, юже троеручно яви на прибежище верным,/ мы же к Тебе воззопием:/ о Мати и Дево!// избави нас от огня, и меча, и всех бед, Преблагословенная.

Радуйтеся и веселитесь, яко мзда ваша многа на Небесех.

Безмёрную Твою мѣлость на мене славослѡвлю/ и величаю в пѣснях благодарных чѣстым сѣрдцем и усты,/ яко избавила еси мене всех напастей и бед/ и не допустила еси погѣбнути до концѧ./ И аз Тебѣ, Владычицу Богородицу, и чудеса образа Твоего// величати и прославляти не престану во веки.

Слава Отцу и Сыну и Святому Духу.

Высота велика Афонския Горы,/ но явление и чудеса иконы Твоея неизреченно превыше горы,/ и благодать Божия в ней, яко море неизчерпаемое, приходящим верою:/ приемлют бо утешение и в напастех избавление;// подаждь, о Преподобная Дево, и мне, бедствующему, защищение скорое.

И ныне и присно и во веки веков. **А**минь.

Ты еси всех скорбящих прибежище, и обидимых Заступница,/ и нерушимый покров в бедах страждущих./ Темже, припадая, вопиём Тебѣ, Дево Пречистая:/ прими моление наше,// от всея души честную и преисполненную щедрот икону Твою почитающих.

Хор: Приидите, поклонимся и припадем ко Христу. Спаси Сыне Божий, воскресый из мертвых, поющая Ти: аллилуиа.

ТРОПАРЬ ВОСКРЕСНЫЙ, ГЛАС 2:

Егда снишел еси к смерти, Животе Безсмертный,/ тогда ад умертвил еси блистанием Божества./ Егда же и умершья от преисподних воскресил еси,/ вся Силы Небесныя взываху:// Жизнодавче, Христе Боже наш, слава Тебѣ.

ТРОПАРЬ ИКОНЫ БОЖИЕЙ МАТЕРИ «ТРОЕРУЧИЦА», ГЛАС 4:

Днесь всемирная радость возсия нам велия:/ даровася святей Горе Афонстей/ цельбоносная Твоя, Владычице Богородице, икона,/ со изображением тричлленно и нераздельно пречистых рук Твоих/ в прославление Святыя Троицы,/ созываеши бо верных и молящихся Тебѣ о сем познати,/ яко двема Сына и Господа держиши,/ третью же яви

на прибѣжище и покрѡв чтущим Тя,/ от всяких напастей и бед
избавляти,/ да вси, притекающии к Тебѣ, вѣрою приѣмлют
неоскудно от всех зол свободѣние,/ от врагов защищѣние,/
сего ради и мы вкупе со Афѡном вопиѣм:// радуйся,
Благодатная, Господь с Тобѡю.

**Святыи Боже, Святыи Крепкий, Святыи Безсмертныи, помилуй
нас.** (Трижды)

Слава Отцу и Сыну и Святому Духу, и ныне и присно и во веки веков.

Аминь. Святыи Безсмертныи, помилуй нас.

Святыи Боже, Святыи Крепкий, Святыи Бессмертныи, помилуй нас.

Чтец: Прокимен, глас вторый:

Крепость моя и пѣние мое Господь,/ и бысть мне во
Спасѣние.

Хор: **Крепость** моя и пѣние мое Господь,/ и бысть мне во
Спасѣние.

Чтец: **Наказуя** наказá мя Господь, смѣрти же не предаде́ мя.

Хор: **Крепость** моя и пѣние мое Господь,/ и бысть мне во
Спасѣние.

ПРОКИМЕН, ГЛАС 3, ПЕСНЬ БОГОРОДИЦЫ:

Чтец: **Глас** третий, песнь Богородицы: **Величит** душá Моя
Господа,/ и возрадовася дух Мой о Бѡзе, Спасе Моѣм.

Хор: **Величит** душá Моя Господа,/ и возрадовася дух Мой о Бѡзе,
Спасе Моѣм.

ЧТѢНИЕ АПОСТОЛА:

Чтец: **К** Римляном послáния святáго апостола Пáвла чтѣние.

(Чтение дня: Рим., зач.88: гл.5, стт.1-10):

Чтец: **Братие,** оправдѣвшеся вѣрою, мир íмамы к Бѡгу Господем
нашим Иисус Христѡм, íмже и приведѣние обретѡхом вѣрою во
благодать сию, в нейже стоим, и хвалимся упѡванием славы
Бѡжия. Не то́чию же, но и хвалимся в скорбех, ведяще, я́ко
скорбь терпѣние соделова́ет, терпѣние же иску́ство, иску́ство

же уповáние, уповáние же не посрамíт. Яко любы́ Бóжия излия́ся в сердца́ нáша Дúхом Святы́м дáнным нам. Ещé бо Христóс сýщым нам немощны́м, по врéмени за нечесты́вых úмре. Едвá бо за прáведника кто úмрет, за благáго бо негли кто и дерзнет умрéти. Составляет же Свою́ любóвь к нам Бог, я́ко ещé грéшником сýщым нам, Христóс за ны úмре. Мнóго úбо пáче, оправдáни бýвше ны́не Крóвию Егó, спасéмся Им от гнéва. Аще бо вразí бýвше примирíхомся Бóгу смéртию Сына Егó, мнóжае пáче примирíвшеся спасéмся в животé Егó.

(Чтение Богородицы: Флп., зач. 240: гл.2, стт.5-11):

Брáтие, сие да мýдрствуется в вас, е́же и во Христé Иисýсе. И́же во óбразе Бóжии сýй, не восхищéнием непщевá бýти рáвен Бóгу. Но Себé умáлил, зрак рабá прийм, в подóбии человéчестем быв, и óбразом обрéтеся я́коже человéк. Смирíл Себé, послушли́в быв дáже до смéрти, смéрти же крéстныя. Тémже и Бог Егó превознесé, и даровá Емú íмя, е́же пáче всякаго íмене. Да о íмени Иисýсове вся́ко колéно поклонíтся Небéсных, и земны́х, и преиспóдных. И всяк язýк исповéсть, я́ко Госпóдь Иисýс Христóс, в слáву Бóга Отцá.

Аллилуáрий ВОСКРÉСНЫЙ, ГЛАС 2:

Чтец: Глас вторы́й: Аллилу́ия, аллилу́ия, аллилу́ия.

Хор: Аллилу́ия, аллилу́ия, аллилу́ия.

Чтец: Услы́шит тя Госпóдь в день печáли, защíтит тя Íмя Бóга Иáковля.

Хор: Аллилу́ия, аллилу́ия, аллилу́ия.

Аллилуáрий БОГОРÓДИЦЫ, ГЛАС 8:

Чтец: Глас осьмы́й: Слы́ши, Дщи, и víждь, и приклонí úхо Твоé.

Хор: Аллилу́ия, аллилу́ия, аллилу́ия.

Господи помилуй, трижды.

Старший: От Матфе́я свята́го Евáнгелия чтéние.

Хор: Сла́ва Тебé, Гóсподи, сла́ва Тебé.

ЧТЕНИЕ ЕВАНГЕЛИЯ:

(Чтение дня: Мф., зач.18: гл.6, стт.22-33):

Старший: Рече Господь: светильник телу есть око. Аще убо будет око твоё просто, все тело твоё светло будет. Аще ли око твоё лукаво будет, все тело твоё темно будет. Аще убо свет, иже в тебе, тма есть, то тма кольми? Никтоже может двема господиному работати: либо единого возлюбит, а другаго возненавидит, или единого держится, о друзем же нерадети начнет. Не можете Богу работати и мамоне. Сего ради глаголю вам: не печытесь душею вашею, что ясте, или что пиете, ни телом вашим, во что облечетесь. Не душа ли больше есть пищи, и тело одежды? Возрите на птицы небесныя, яко не сеют, ни жнут, ни собирают в житницы, и Отец ваш Небесный питает их. Не вы ли паче лучши их есте? Кто же от вас пекийся может приложити возрасту своему локоть един? И о одежды что печетесь? Смотрите крин сельных, како растут, не труждаются, ни прядут. Глаголю же вам, яко ни Соломон во всей славе своей облечеса, яко един от сих. Аще же сено сельное, днесь суще и утре в пещь вметаемо, Бог тако одеваает, не много ли паче вас, маловери? Не печытесь убо, глаголюще: что ямы, или что пием, или чим одждемся? Всех бо сих языцы ищут, весть бо Отец ваш Небесный, яко требуете сих всех. Ищите же прежде Царствия Божия и правды Его, и сия вся приложатся вам.

(Чтение Богородицы: Лк., зач.54: гл.10, стт.38-42; гл.11, стт.27-28):

В время оно, вниде Иисус в весь некую: жена же некая именем Марфа прият Его в дом свой. И сестра ей бе нарицаемая Мария, яже и седши при ногу Иисусову, слышаше слово Его. Марфа же молвляше о мнозе службе, ставши же рече: Господи, не брежеси ли, яко сестра моя едину мя остави служити; рцы убо ей, да ми поможет. Отвещав же Иисус, рече ей: Марфо, Марфо, печешися и

мóлвиши о мно́зе. Еди́но же есть на потре́бу. Ма́рiя же благу́ю часть избра́, я́же не оты́метса от не́я. Бысть же егда́ глаго́лаше сия́, воздв́гши не́кая женá глас от наро́да, рече́ Ему́: блаже́но чре́во носившее́ Тя, и сосца́, яже еси́ ссал. Он же рече́: те́мже у́бо блаже́ни слы́шаси сло́во Бо́жие, и храня́щи е́.

Хор: **Сла́ва Тебе́, Го́споди, сла́ва Тебе́.**

Глас 6:

Помяни нас, Господи, егда приидеши во Царствии Твоем.

Помяни нас, Владыко, егда приидеши во Царствии Твоем.

Помяни нас, Святы́й, егда приидеши во Царствии Твоем.

Лик небесный поет Тя и глаголет: Свят, Свят, Свят Господь Саваоф, исполнь небо и земля славы Твоея.

Стих: Приступите к Нему и просветитесь, и лица ваша не постыдятся.
Лик небесный поет Тя и глаголет: Свят, Свят, Свят Господь Саваоф, исполнь небо и земля славы Твоея.

Слава Отцу и Сыну и Святому Духу

Лик святых Ангел и Архангел со всеми небесными силами поет Тя и глаголет: Свят, Свят, Свят Господь Саваоф, исполнь небо и земля славы Твоея.

И ныне и присно и во веки веков, аминь.

Верую во Единого Бога Отца, Вседержителя, Творца небу и земли, видимым же всем и невидимым. И во Единого Господа Иисуса Христа, Сына Божия, Единородного, Иже от Отца Рожденного прежде всех век; Света от Света, Бога Истинна от Бога Истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятаго же за ны при Понтийстем Пилате, и страдавша и погребенна. И воскресшаго в третий день по Писанием, и возшедшаго на небеса и седяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и сславима, Глаголавшего пророки. Во едину Святую, Соборную и Апостольскую Церковь. Исповедую едино крещение во оставление грехов. Чаю воскресения мертвых, и жизни будущаго века. Аминь.

Ослаби, остави, прости Боже, прегрешения наша, вольная, и невольная, яже в слове и в деле, яже в ведении и не в ведении, яже во дни и в нощи, яже во уме и помышлении, вся нам прости, яко Благ и Человеколюбец.

Отче наш, Иже еси на небесех. Да святится Имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь, и остави нам долги наша, якоже и мы оставляем должником нашим. И не введи нас во искушение, но избави нас от лукаваго.

Старший: Господи, Иисусе Христе, Сыне Божий, помилуй нас.

Чтец: Аминь.

КОНДАК ВОСКРЕСНЫЙ, ГЛАС 2:

Воскрéсл есѣ от грóба, Всесѣльне Спáсе,/ и ад, вѣдев чúдо, ужасéся,/ и мёртвии востáша;/ тварь же вѣдящи срáдуется Тебé,/ и Адáм свеселѣтся,// и мир, Спáсе мой, воспеваёт Тя прѣсно.

Слáва Отцú и Сýну и Святóму Дúху.

И нýне и прѣсно и во вéки векóв. Аминь.

КОНДАК ИКОНЫ БОГОРÓДИЦЫ «ТРОЕРúЧИЦА», ГЛАС 8,

ПОДóБЕН: «ВЗБРА́ННОЙ ВОЕВÓДЕ...»:

Днесь весéлое настá нýне Твоé торжество, Богомáти Пречѣстая,/ вси вёрнии испóлнишася рáдости и весéлия,/ я́ко сподóбльшеся изрýдно воспéти/ предѣвное явлéние честнáго óбраза Твоегó/ и рóждшагося из Тебé Младéнца, ѣстинна же Бóга,/ Егóже двемá рукáма объёмлещи,/ и трéтиєю от напáстей и бед нас изымáещи// и избавля́ещи от всех зол и обстоя́ний.

Господи, помилуй, 12.

Всесвятая Троице, Единосущная Державо, Нераздельное Царство, всех благих Вина, благоволи же и о мне грешнем, утверди, вразуми сердце мое, и всю мою отыми скверну, просвети мою мысль, да выну славлю, пою, поклоняюся и глаголю: Един Свят, Един Господь, Иисус Христос, во славу Бога Отца, аминь.

Буди Имя Господне благословено отныне и до века, *трижды*.
Слава Отцу и Сыну и Святому Духу, и ныне и присно и во веки веков,
аминь.

Псалом 33: **Б**лагословлю Господа на всякое время, выну хвала Его во устех моих. О Господе похвалится душа моя, да услышат кротцыи и возвеселятся. Возвеличите Господа со мною, и вознесем имя Его вкупе. Взысках Господа и услыша мя, и от всех скорбей моих избави мя. Приступите к Нему и просветитесь, и лица ваша не постыдятся. Сей нищий воззва, и Господь услыша и, и от всех скорбей его спасе и. Ополчится Ангел Господень окрест боящихся Его, и избавит их. Вкусите и видите, яко благ Господь; блажен муж, иже уповае на нъ. Бойтесь Господа, вси святии Его, яко несть лишения боящимся Его. Богатии обнищаша и взалкаша, взыскающии же Господа не лишатся всякаго блага. Приидите, чада, послушайте мене, страху Господню научу вас. Кто есть человек хотяй живот, любяй дни видети блага; Удержи язык твой от зла, и устне твои, еже не глаголати лести. Уклонися от зла и сотвори благо, взыщи мира, и пожени и. Очи Господни на праведныя, и уши Его в молитву их. Лице же Господне на творящая злая, еже потребити от земли память их. Воззваша праведнии, и Господь услыша их, и от всех скорбей их избави их. Близ Господь сокрушенных сердцем, и смиренныя духом спасет. Многи скорби праведным, и от всех их избавит я Господь. Хранит Господь вся кости их, ни едина от них сокрушится. Смерть грешников люта, и ненавидящии праведнаго прегрешат. Избавит Господь души раб Своих, и не прегрешат вси уповающии на Него.

Достойно есть яко воистинну блажити Тя, Богородицу, /
Присноблаженную и Пренепорочную и Матерь Бога нашего.

Хор: Слава Отцу, и Сыну, и Святому Духу, и ныне и присно, и во веки веков, аминь.

Господи, помилуй. *Трижды*.

Господи, благослови.

Старший: Воскресый из мертвых Христос Истинный Бог наш, молитвами Пречистой Своей Матере, и всех святых, помилует и спасет нас, яко Благ и Человеколюбец.

Хор: Аминь.
